

四庫全書

子部

# 欽定四庫全書

子部

御纂醫宗金鑑卷四十

詳校官太醫院使

臣張肇基

編修

臣倉聖脉覆勘

總校官中書

臣朱

鈐

校對官監丞

臣

張曾炳

謄錄監生

臣

解中發

欽定四庫全書

御纂醫宗金鑑卷四十

編輯雜病心法要訣目錄

內傷

虛勞

勞瘵

自汗盜汗

失血

消渴

御纂醫宗金鑑卷四十目錄

欽定四庫全書

御纂醫宗金鑑卷四十

編輯雜病心法要訣

內傷總括

內傷勞役傷脾氣飲食傷胃傷其形傷形失節溫涼過  
氣濕熱暑火寒中

註  
勞役傷氣傷元氣也飲食傷形傷胃府也傷氣宜  
補有熱中濕熱暑熱火鬱寒中之不同傷形宜消

有飲食失節過於溫涼之不一也

內傷外感辨似

內傷脈大見氣口外感脈大見人迎頭疼時痛與常痛  
惡寒溫解烈火仍熱在肌肉從內泛熱在皮膚捫內輕  
自汗氣乏聲怯弱雖汗氣壯語高聲手心熱兮手背熱  
鼻息氣短鼻促鳴不食惡食內外辨初渴後渴少多明  
註內傷外感脈皆大內傷之脈氣口大於人迎不似  
外感之脈人迎大於氣口也內傷外感皆頭痛內

傷之頭痛有時而痛有時不痛不似外感之頭痛  
常常而痛不休也內傷外感皆惡寒內傷之惡寒  
得就溫衣而即解不似外感之惡寒雖近烈火而  
仍惡也內傷外感皆發熱內傷之發熱熱在肌肉  
以手捫之熱從內泛不似外感之發熱熱在皮膚  
以手捫之熱自內輕也內傷外感皆自汗內傷之  
自汗氣短乏聲怯弱不似外感之自汗氣壯促語  
聲高也內傷外感手皆熱內傷之熱手心熱不似

外感之熱手背熱也內傷外感皆鼻不和內傷之  
鼻息氣短而喘不似外感之鼻息氣促而鳴也內  
傷外感皆不食內傷之不食口中無味不似外感  
之不食聞食則惡也內傷外感皆渴內傷之渴初  
病即渴其飲甚少不似外感之渴三日後始渴其  
飲甚多也

補中益氣湯

補中益氣升陽清熱傷氣陷大虛洪頭痛表熱自汗出



心煩口渴畏寒風困倦懶言無氣動動則氣高喘促聲  
保元甘溫除大熱血歸氣術補脾經佐橘降濁散滯氣  
升柴從胃引陽升陰火腎躁加地蘄陽熱心煩安神寧

註補中益氣湯治內傷清陽下陷因勞役過度熱傷  
元氣故脈虛大而洪也內傷頭痛時作時止也內  
傷表熱嘗自汗出也心煩氣虛惡煩勞也口渴氣  
陷不蒸化也畏寒畏風表氣虛失衛也困倦懶言  
中氣乏不周也動則氣喘上氣不足息也保元謂

人參黃耆甘草名保元湯也臣當歸和脾血白朮  
益脾氣佐橘皮降濁散胸中滯氣升柴升清從胃  
中引陽也陰火時顯躁熱加黃蘗生地補水救陰  
陽熱晝夜心煩合硃砂安神丸瀉火安神

調中益氣湯

調中弦洪緩沉澁濕熱體倦骨痠疼氣少心煩忽肥瘦  
口沫食出耳鳴聾胸膈不快食無味二便失調殭血濃  
保元升柴蒼橘蘗去蘗加木亦同名

註調中益氣湯亦治內傷清氣下陷濁氣上乘清濁  
相干而兼濕熱者故二便不調飧瀉膿血也此湯  
與補中益氣湯雖互相發明然其證脈則不可不  
分別也內傷之病脾胃元氣一虛四藏失其調和  
所以五臟之脈交相混見故肝弦心洪脾緩之脈  
反見於上按之沉澁肺脈而反見於下也身肢重  
倦氣不周也骨節痠疼血不榮也氣少中氣乏也  
心煩心血少也忽肥忽瘦者火乘土位上併陽分

則血脈上行而上盛故面赤紅而肥下併陰分則血脈下行而上虛故面青白而瘦即今之虛損病人早則面青白瘦而惡寒午後則面紅赤肥而發熱者是也口沫謂口中沃沫脾不散精也食出謂食入反出胃虛不納也耳鳴聾謂耳鳴耳聾陰火上衝也胸膈不快濁氣滯也飲食無味胃氣傷也二便不調謂大便時瀉不瀉小便時利不利脾濕不分也飧謂完穀不化之飧瀉脾虛濕不化也血

膿謂大便後或見膿見血脾濕熱釀成也保元謂  
保元湯即人參黃芪炙草升麻柴胡蒼朮橘皮黃  
蘗也去黃蘗加木香亦名調中益氣湯以熱少氣  
不和者宜之也

升陽益胃湯

內傷升陽益胃湯濕多熱少抑清陽倦怠懶食身重痛  
口苦舌乾便不常灑灑惡寒屬肺病慘慘不樂乃陽傷  
六君白芍連澤瀉羌獨黃芪柴與防

註內傷氣虛濕多熱少遏抑春生清氣不得上升脾胃之證宜服此湯其證倦怠懶食身重而痛口苦舌乾便不常謂大便不調小便頻數不如常也灑灑惡寒衛氣不足屬肺皮毛之病也慘慘不樂面色不和乃陽氣傷而不伸也六君謂人參白朮茯苓炙甘草橘皮半夏也加白芍黃連澤瀉黃芪羌活獨活柴胡防風即是升陽益胃也

補脾胃瀉陰火升陽湯

補中升陽瀉陰火火多濕少困脾陽雖同升陽益胃證  
然無瀉數肺陽傷補脾胃氣參耆草升陽柴胡升與羌  
石膏苓連瀉陰火長夏濕令故加蒼

註內傷氣虛熱多濕少陰火困脾陽氣不得上升脾  
胃之證宜服此方此方所治雖同升陽益胃之證  
然無大便秘不調小便頻數灑灑惡寒肺病慘慘不  
樂陽傷之證也

內傷補中調中益胃等湯加減法

冬加薑桂草寇益秋芍白寇縮檳榔夏月氣衝苓連蘼  
春加風藥鼓清陽長夏沉困精神少人參麥味澤苓蒼  
肺熱咳嗽減參去春加金沸款冬芳夏加麥冬五味子  
秋冬連根節麻黃頭痛蔓荊甚芍入顛腦藁本苦細嚙  
沉重懶倦或嘔逆痰厥頭疼半夏薑口乾噤乾或表熱  
加葛生津清胃陽大便秘濇元明粉血燥歸桃熟大黃  
痞脹香砂連枳朴寒減黃連加炒薑胃痛草寇寒益智  
氣滯青皮白寇香腹痛芍草苓桂審臍下痛桂熟地黃



內外煩疼歸和血脇下痛急草柴良身重脚軟已蒼藥  
身疼發熱藁防羌

註冬加乾薑官桂草豆蔻益智助陽氣也秋加白芍  
白豆蔻縮砂仁檳榔助燥收也夏月加黃連黃芩  
黃蘗降陰火也或腹中氣上衝逆屬陰火衝上雖  
非夏月亦加之春加風藥謂羌活獨活防風藁本  
之類佐參耆之品能鼓清陽之氣上升也長夏身  
肢沉困精神短少加人參麥冬五味子恐暑傷氣

也加澤瀉扶苓蒼朮去脾濕也肺中有熱咳嗽減  
人參遠肺熱也春加金沸草款冬花散肺風也夏  
加麥冬五味子保肺氣也冬加連根節麻黃散肺  
寒也頭痛加蔓荊子引太陽也痛甚加川芎上行  
捷也巔痛腦痛加藁本入督脈也苦頭痛加細辛  
走少陰也痰厥頭痛沉重懶倦或嘔逆痰涎加半  
夏生薑治痰逆也口乾噤乾或表發熱加葛根生  
津解肌也大便燥澀加元明粉血虛燥加當歸血

實燥加桃仁熱實燥加大黃心下痞脹氣不快加  
木香食不消加砂仁心下結熱加黃連心下結氣  
加枳實胃氣壅塞加厚朴如胃中寒或冬月減去  
黃連加炒乾薑胃痛加草豆蔻胃寒或唾沫加益  
智氣滿不快加白豆蔻青皮腹痛加白芍甘草審  
其有熱加黃芩有寒加官桂臍下痛加肉桂熟地  
黃腹內身外刺痛此屬血溢不足加當歸以活血  
也脇下痛或急縮加甘草柴胡以和肝也身重腳

軟加防己蒼朮黃蘗去濕熱在內也身痛發熱加  
葉本防風羌活疎風在表也

清暑益氣湯

清燥湯

長夏濕暑交相病暑多清暑益氣功汗熱煩渴倦少氣  
惡食尿澁便溏行補中去柴加蘗澤麥味蒼朮甘葛青  
濕多痿厥清燥地豬茯苓連減葛青

註長夏之今暑濕炎蒸交相為病暑多濕少為病其

證則自汗身熱心煩口渴倦困少氣惡食小便澀  
少大便稀澹宜清暑益氣湯即補中益氣湯去柴  
胡加黃蘗澤瀉麥冬五味子蒼朮神麴甘葛青皮  
也若濕多暑少為病則成痿厥之證腰以下痿軟  
難於轉動行走不正兩足歌側宜清燥湯即本方  
更加生地豬苓茯苓柴胡黃連減去甘葛青皮也  
升陽散火湯

火鬱湯

血虛胃弱過食涼陽鬱於脾散火湯肌膚筋骨肢困熱  
捫之烙手熱非常羌獨芍防升柴葛人參二草棗生薑  
火鬱加蔥減參獨惡寒沉數發之方

註二草炙甘草生甘草惡寒謂身雖有如是烙手之  
熱而反惡寒脈來沉數則可知火鬱肌裏宜以此  
方發之

白朮附子湯

加味理中湯

內傷水來侮土病寒濕白朮附子湯涎涕腹脹時多溺足軟無力痛為殃腰背胛眼脊背痛丸冷陰陰痛不常蒼附五苓陳半朴虛宜理中附苓蒼

註東垣內傷熱中之病用補中益氣湯寒中之病用白朮附子湯寒中為水來侮土寒濕之病其證內則腹脹多溺涎涕外則足軟胛脊腰背羣丸痛脾胃寒濕而氣不虛者宜用是方即五苓散加蒼朮附子陳皮半夏厚朴也若脾胃寒濕而氣虛者則

宜用理中湯加附子茯苓蒼朮是也

人參資生丸

資生脾胃俱虛病不寒不熱平補方食少難消倒飽脹面黃肌瘦倦難當

註繆仲醇製資生丸方為脾胃俱虛不寒不熱平補之藥其所治之證乃飲食減少過時不化倒飽脹悶面色痿黃肌肉漸瘦困倦無力也方見諸書故不錄藥味



清胃理脾湯

清胃理脾治濕熱傷食平胃酌三黃大便秘黏小便赤  
飲食愛冷口舌瘡

註 清胃理脾湯即平胃散加黃連黃芩大黃也酌三  
黃者謂有熱滯而不實者不可入大黃也傷食謂  
傷食病證如痞脹噦嘔不食吞酸惡心噎氣之類  
更兼大便秘臭小便赤澀飲食愛冷口舌生瘡皆  
傷醇酒厚味濕熱為病之證也

理中湯

理中治虛寒濕傷食少喜熱面青黃腹痛腸鳴吐冷沫  
大便腥穢似鴨澹

註白朮附子湯治脾胃寒濕形氣實者也理中湯治

脾胃寒濕形氣虛者也虛者其證食少喜食熱物  
面色青黃腹痛腸鳴吐冷涎沫大便腥穢不臭似  
鴨糞澄澈清澹也故宜此湯

消食健脾丸

胃強脾弱脾胃病能食不化用消食平胃炒鹽胡椒共  
麥蘖查麴白茯苓

註脾胃病中有胃強脾弱一證胃強所以能食脾弱  
不能消化宜服消食健脾湯丸助其消化用蒼朮  
陳皮厚朴甘草炒鹽胡椒山查神麴麥芽白茯苓  
末蜜丸服之更節其飲食自然脾胃和而能健運  
矣

開胃進食湯

開胃進食治不食少食難化胃脾虛丁木藿香蓮子朴  
六君炒麥與神麴

註此方治不思飲食少食不能消化脾胃兩虛之證  
方即六君子湯加丁香木香藿香蓮子厚朴縮砂  
麥芽神麴也

平胃散

一切傷食脾胃病痞脹噦嘔不能食吞酸惡心並噫氣  
平胃蒼朴草陳皮快膈枳朮痰苓半傷穀二芽縮神麴

肉滯山查麴萊服滯熱苓連藥大宜

註傷食等證宜用平胃散即蒼朮厚朴甘草陳皮也  
快膈加枳實白朮有痰加半夏茯苓傷穀滯者加  
麥芽穀芽縮砂神麴傷肉滯者加山查傷麴滯者  
加萊菔有熱者加黃芩黃連黃蘗大黃酌而用之  
葛花解酲湯

葛花解酲發酒汗懶食熱倦嘔頭疼參葛四苓白朮縮  
神麴乾薑陳木青

註傷酒宜用葛花解醒湯汗之汗出立愈其證頭痛  
懶食嘔吐身熱倦怠而煩似乎外感而實非外感  
皆因酒所致也方即人參葛花白朮茯苓豬苓澤  
瀉白蔻縮砂神麴乾薑陳皮木香青皮

秘方化滯丸

秘方化滯寒熱滯一切氣積痛攻方巴豆醋製稜莪朮  
青陳連半木丁香

註秘方化滯丸治不論寒熱一切氣滯積痛攻下之

妙藥也即巴豆三稜莪朮青皮陳皮黃連半夏木  
香丁香也此方出丹溪心法附餘書中屢試屢驗  
按證隨引量其老少虛實增損進退以意用之久  
久自得其效





虛勞總括

虛損成勞因復感陽虛外寒損肺經陰虛內熱從腎損  
飲食勞倦自脾成肺損皮毛灑寒嗽心損血少月經凝  
脾損食少肌消瀉肝損脇痛懶於行腎損骨痿難久立  
午熱夜汗骨蒸蒸從下皮聚毛落死從上骨痿不起終  
恐懼不解則傷精怵惕思慮則傷神喜樂無極則傷魄  
悲哀動中則傷魂憂愁不已則傷意盛怒不止則傷志  
勞倦過度則傷氣氣血骨肉筋精極

註  
虛者陰陽氣血榮衛精神骨髓津液不足是也損  
者外而皮脈肉筋骨內而肺心脾肝腎消損是也  
成勞者謂虛損日久留連不愈而成五勞七傷六  
極也因復感者謂不足之人陽虛復感外寒則損  
從皮毛肺始陰虛更生內熱則損從骨髓腎始內  
傷飲食勞倦則損從肌肉脾始此虛損成勞之因  
然其證有五一損皮聚毛落灑淅惡寒咳嗽肺勞  
也二損血脈虛少男子面無血色女子月經不通

心勞也三損飲食減少肌肉消瘦大便溏瀉脾勞也四損兩脇引胸而痛筋緩不能行肝勞也五損骨痿不能久立午後發熱盜汗骨蒸腎勞也從下腎藏損起者損至皮聚毛落則死也從上肺藏損起者損至骨痿不能起於床則終也從脾藏損起者或至皮聚毛落或至骨痿不起皆死也虛損為七傷之證一恐懼不解則傷精精傷則骨痿痿厥精時自下蓋五藏主藏精者也不可傷傷則失守

而陰虛陰虛則無氣無氣則死矣一怵惕思慮則傷神神傷則恐懼自失破腠脫肉毛悴色夭死於冬也一喜樂無極則傷鬼鬼傷則狂狂則意不存人皮革焦毛悴色夭死於夏也一悲哀動中則傷魂魂傷則狂妄不精不精則不正陰縮而攣筋兩脇骨不舉毛悴色夭死於秋也一憂愁不已則傷意意傷則悵亂四肢不舉毛悴色夭死於春也一盛怒不止則傷志志傷則喜忘其前言腰脊不可

以俯仰屈伸毛悴色夭死於季夏也一勞倦過度則傷氣氣傷則火愈壯壯火則食氣故無氣以動喘乏汗出內外皆越則氣日耗氣日耗則死矣虛損為六極之證一數轉筋十指爪甲痛筋極也一牙齒動手足痛不能久立骨極也一面無血色頭髮墜落血極也一身上往往如鼠走削瘦乾黑肉極也一氣少無力身無膏澤翕翕羸瘦眼無精光立不能定身體苦痒搔之生瘡精極也一胸脇逆

滿恒欲大怒氣少不能言氣極也

按前人分七傷之證似多不經依內經改之庶後學  
易明也

虛勞死證

陰勞細數形盡死陽勞微革氣脫終枯白顴紅一側卧  
嗽啞咽痛咯星紅五藏無胃為真藏形肉雖存不久停  
一息二至名曰損一息一至行尸名大骨枯槁大肉陷  
動作益衰精髓空真藏未見一歲死若見真藏尅期凶

喘滿動形六月死一月內痛引肩胸身熱破膈肉盡脫  
十日之內不能生真藏脈見目眶陷目不見人頃刻頃  
若能見人神猶持至所不勝日時終

註  
陰虛之勞脈細數則必形消著骨而後死者陰主  
形也陽虛之勞脈微革則不待痿盡忽然而脫者  
陽主氣也五藏之脈無和緩象為無胃之真藏脈  
即形肉雖存亦必不久於人世也一息二至損病  
之脈也一息一至行尸之脈也大骨顛肩股腰之

大骨也大肉頭項四肢之大肉也枯槁者骨痿不能支也陷下者肉消陷成坑也動作精神漸衰真藏脈不見期一歲死若真藏脈見遇所不勝之時日凶可期也若真藏脈不見有是證者喘滿動形六月而死有是證者五藏內損痛引肩胸者一月而死有是證者肉盡之處皆枯燥破裂謂之破腠身熱不已十日內死真藏脈見目眶下陷視不見人頃刻而死若能見人則神尚未去至所不勝之



日時而死也

虛勞治法

後天之治本血氣先天之治法陰陽腎肝心肺治在後  
脾損之法同內傷

註後天脾胃水穀生化榮衛故治法本乎氣血先天  
腎藏精氣生化之原故治法本乎陰陽五藏虛損  
治法俱在於後而脾藏虛損治法已載內傷故曰  
同內傷也

拯陰理勞湯

陰虛火動用拯陰皮寒骨蒸咳嗽侵食少痰多煩少氣  
生脈歸芍地板貞薏苡橘丹連合草汗多不寐加棗仁  
燥痰桑貝濕苓半阿膠咳血骨熱深

註此方即人參麥冬五味當歸白芍生地龜板女貞  
薏苡橘紅丹皮蓮子百合炙草也汗多不寐俱加  
棗仁咳而嗽痰加桑皮貝母嗽而濕痰加茯苓半  
夏咳嗽咯血加阿膠骨蒸熱深加地骨皮也

拯陽理勞湯

陽虛氣弱用拯陽倦怠惡煩勞則張表熱自汗身痠痛  
減去升柴補中方更添桂味寒加附瀉入升柴訶蔻香  
夏咳減桂加麥味冬咳不減味乾薑

註此湯即人參黃耆炙草白朮陳皮肉桂當歸五味  
子也倦怠懶於動也惡煩勞動則氣張而喘乏也  
惡寒加附子洩瀉仍入升麻柴胡更加訶子肉蔻  
木香也夏月咳嗽減肉桂加麥冬五味子冬月咳

嗽不減肉桂更加五味子乾薑也

六味地黃湯

都氣湯

七味地黃湯

生脈地黃湯

桂附地黃湯

知藥地黃湯

金匱腎氣湯

腎虛午熱形消瘦水泛為痰津液傷咳嗽盜汗失精血  
消渴淋濁口咽瘡熟地藥萸丹苓澤加味勞嗽都氣湯  
引火歸元加肉桂火妄刑金生赭良桂附益火消陰翳  
知藤壯水制陽光車牛桂附名腎氣陽虛水腫淋濁方  
註午熱午後發熱也水泛為痰謂日食飲食所化津  
液腎虛不能攝水泛上為痰也盜汗謂睡而汗出  
覺而即止之汗也失精遺精也消渴謂飲水而即  
消渴仍不止也淋者尿淋漓不利也濁者尿之前

後有濁液也口咽生瘡虛火炎也均宜六味地黃湯治之勞嗽加味謂加五味子名都氣湯也引火歸元加肉桂名七味地黃湯火妄刑金加生脈飲名生脈地黃湯也桂附謂加肉桂附子知藥謂加知母黃藥車牛桂附謂加車前牛膝肉桂附子名桂附知藥腎氣等湯也

大補陰丸

滋陰降火湯

大補陰丸制壯火滋陰降火救傷金龜板知麋地髓劑  
二冬歸芍草砂仁欬加百味汗地骨血痰金貝虛者參  
虛熱無汗宜散火有汗骨蒸亦補陰

註

陰虛火旺無水以制宜用大補陰丸滋水制火方  
即龜板知母黃蘗生地為末豬脊髓煉蜜為丸若  
火旺無制妄行傷金肺痿欬嗽宜用滋陰降火湯  
救其傷金方即大補陰丸加麥冬天冬當歸白芍  
炙草縮砂欬甚加百合五味子盜汗加地骨皮咯

血加鬱金痰多加川貝母氣虛加人參黃耆凡虛熱如火烙手無汗者為火鬱宜升陽散火湯有汗者為骨蒸亦宜大補陰丸及滋陰六黃等湯也

保元湯

一切氣虛保元湯耆外參內草中央加桂能生命門氣痘瘡灰陷與清漿

註保元湯即人參黃耆炙草也黃耆補表氣人參補

裏氣炙草補中氣加肉桂能生命門真氣且能治



小兒痘瘡灰白頂陷清漿

四君子湯

五味異功湯

六君子湯

七味白朮湯

四獸飲

脾胃氣虛四君子  
脈軟形衰面白黃  
倦怠懶言食少氣  
參苓朮草棗薑強  
氣滯加陳異功散  
有痰橘半六君湯

肌熱瀉渴藿木葛虛癰六君果梅薑

註

治氣虛兼氣滯不快依四君加陳皮名五味異功

散治氣虛兼有痰飲依四君加橘紅半夏名六君

子湯治氣虛肌熱渴瀉依本方加藿香木香葛根

名七味白朮散治氣虛久癰留連不愈依六君子

湯加草菓烏梅生薑名四獸飲

芎歸湯

開骨散

一切血病芎歸湯產後胎前必用方氣虛難產參倍入  
交骨難開龜髮良

註芎歸湯即川芎當歸又名佛手散氣虛產難或時  
久傷氣依本方倍加人參臨產交骨難開依本方  
加整龜板一具本人梳下亂髮一團他人梳下之  
髮亦可名開骨散

四物湯

聖愈湯

六物湯

加味四物湯

地骨皮飲

調肝養血宜四物歸芍芍地酌相應氣虛血少參耆補  
氣燥血熱知藥清寒熱柴丹炒梔子但熱無寒丹骨平  
熱甚芩連寒桂附止血茅蒲破桃紅

註  
調肝養血宜四物湯即當歸川芍白芍熟地黃酌  
相應謂補血用白芍熟地破血用赤芍涼血用生

地氣虛血少宜加參耆名聖愈湯氣燥血熱宜加  
知藥名六物湯血虛寒熱往來宜加味四物湯即  
本方加柴胡丹皮炒梔子也血虛惟發熱不惡寒  
宜地骨皮飲即本方加地骨皮牡丹皮也血分熱  
甚依本方加黃芩黃連寒甚加肉桂附子破血加  
桃仁紅花止血加茅根蒲黃炒黑

八珍湯

十全大補湯

人參養榮湯

一切氣血兩虛證八珍四物與四君氣之色枯毛髮落  
自汗盜汗悸忘臻發熱欬嗽吐血衄血食少肌瘦泄瀉頻  
十全大補加耆桂榮去芎加遠味陳

註氣虛四君子湯血虛四物湯氣血兩虛八珍湯八  
珍者即四君四物也若有氣之色枯毛髮脫落自  
汗盜汗心悸健忘發熱欬嗽吐血衄血食少肌瘦  
泄瀉等證則宜十全大補湯即八珍湯加黃耆肉

桂也人參養榮湯即十全大補湯減去川芎更加  
遠志五味子陳皮也

小建中湯

黃耆建中湯

當歸建中湯

雙和飲

虛勞腹痛小建中悸衄之血夢失精手足煩熱肢酸痛  
芍草飴桂棗薑同衛虛加耆黃耆建榮虛當歸建中名

溫養氣血雙和飲三方減飴加地芎

註

諸虛勞極裏急腹痛宜以小建中湯溫和平胃並  
治裏虛心悸衄下亡血夜夢失精手足煩熱四肢  
痠痛血液虧損等證是方白芍藥甘草飴糖中桂  
大棗生薑也若衛氣虛者加黃耆名曰黃耆建中  
湯若裏不急腹不痛有是證者則當以溫養氣血  
用雙和飲即此三方減去飴糖加入熟地川芎乃  
八珍湯減人參白朮茯苓加黃耆中桂蓋以補陰



血為主也

補肝湯

補肝湯治肝虛損筋緩不能自收持目暗眵眵無所見  
四物酸棗草瓜宜

註補肝湯即當歸川芎白芍熟地酸棗仁炙草木瓜  
也

加味救肺飲

加味救肺治肺損嗽血金家被火刑歸芍麥味參耆草

百花紫苑馬兜鈴

註加味救肺飲即當歸白芍麥冬五味子人參黃耆  
炙草百合款冬花紫苑馬兜鈴也

天王補心丹

天王補心心虛損健忘神虛煩不眠栢子味芩歸地枯  
三參天麥遠硃酸

註是方即栢子仁五味子茯苓當歸生地桔梗丹參  
人參元參天冬麥冬遠志硃砂酸棗仁

歸脾湯

歸脾思慮傷心脾熱煩盜汗悸驚俱健忘怔忡時恍惚  
四君酸遠木歸者

註悸心自跳動也驚目觸物駭也健忘言事易忘也  
怔忡心衝動甚也恍惚心時不明也方乃四君子  
加酸棗仁遠志木香當歸黃耆

人參固本湯丸

保元生脈固本湯

固本肺腎兩虛病肺痿欬血欲成勞二冬二地人參共  
保元生脈脾同調

註人參固本湯丸即人參天冬麥冬生地熟地也依  
本方再加保元之黃耆炙草生脈之五味三方合  
一名保元生脈固本湯同調謂同調脾肺腎三經  
虛也

逍遙散

逍遙理脾而清肝血虛骨蒸煩嗽痰寒熱頰赤脇不快

婦人經病脈虛弦朮苓歸芍柴薄草加味梔丹肝熱添  
肝氣滯鬱陳撫附熱加吳萸炒黃連

註是方即白朮茯苓當歸白芍柴胡薄荷甘草也肝  
氣熱依本方加炒梔子丹皮名加味逍遙散肝氣  
滯加陳皮肝氣鬱加撫芍香附肝氣鬱熱加吳萸  
萸炒川黃連惟薄荷只可少許為引不宜多用



癆瘵總括

癆瘵陰虛蟲乾血積熱骨蒸咳嗽痰肌膚甲錯目黯黑  
始健不瀉下為先

註久病癆疾而名曰瘵瘵者敗也氣血兩敗之意也  
有陰虛乾血者有陰虛積熱者當以諸補陰藥治  
之肌膚甲錯謂皮膚乾澀也目黯黑者謂目黑無  
光也始健謂初病尚壯不瀉謂久病不瀉也二者  
皆可以攻下為先治也

癆瘵治法

癆瘵至瀉則必死不瀉能食尚可痊初取利後宜詳審  
次服柴胡清骨煎虛用黃耆鼈甲散熱衰大補養榮參  
皮熱柴胡胡連入骨蒸青蒿鼈甲添陰虛補陰諸丸劑  
陽虛補陽等湯圓欬嗽自同欬嗽治嗽血成方太平丸  
註 癆瘵之人病至大便泄瀉則必死矣若不瀉能食  
尚堪任藥攻治故可痊也初取利後審其熱之微  
甚人之強弱若熱甚人強宜用柴胡清骨散熱不



甚人弱宜用黃耆鼈甲散熱微人弱宜用十全大補人參養榮等湯若皮外發熱加柴胡胡連骨內蒸熱加青蒿鼈甲午後陰虛發熱宜用補陰諸丸湯藥陽虛惡寒清瘦宜用補陽諸丸湯藥欬嗽不已同欬門方參而治之嗽血者宜用成方太平丸可也

大黃塵蟲丸

大黃青蒿煎

傳屍將軍丸

乾血大黃廔蟲治積熱蒿黃膽便煎癸亥腰眼灸七壯  
後服傳屍將軍丸

註大黃廔蟲丸有成方大黃青蒿煎即青蒿大黃豬

膽汁童便煎癆瘵日久有生惡蟲身死之後多遭

傳染甚而滅門名曰傳屍瘵宜癸亥日灸兩腰眼

各七壯後服傳屍將軍丸此方載丹溪心法書中

柴胡清骨散

清骨骨蒸久不痊熱甚秦知草胡連鼈甲青蒿柴地骨  
韭白髓膽童便煎

註此方乃秦朮知母炙草胡連鼈甲青蒿柴胡地骨  
皮韭白豬脊髓豬膽汁童便也

黃耆鼈甲散

黃耆鼈甲虛勞熱骨蒸晡熱渴而煩肌肉消瘦食減少  
盜汗欬嗽出血痰生地赤芍柴秦草知耆苑骨半苓煎  
人參桂桔俱減半鼈甲天冬桑倍添

註此方即生地赤芍柴胡秦艽炙草知母黃耆紫苑  
地骨皮半夏茯苓人參桂枝桔梗鱉甲天冬桑白  
皮也

自汗盜汗總括

自汗表陽虛惡冷陽實蒸熱汗津津盜汗陰虛分心腎  
心虛不固火傷陰

註

無因汗出謂之自汗自汗謂表陽虛汗出則惡寒  
冷宜用後方若蒸蒸發熱汗出不惡寒則為裏陽  
實宜以調胃承氣湯下之睡則汗出覺則汗止謂  
之盜汗盜汗為陰虛當分心虛不固心火傷陰也

黃耆六一湯

玉屏風散

黃耆建中湯

自汗表虛黃耆草玉屏風散耆防氣虛加參陽虛附  
血虛黃耆建中湯

註黃耆六一湯即黃耆六錢甘草一錢也玉屏風散

即黃耆白朮防風也二方皆治表虛自汗若氣虛  
加人參陽虛加附子可也若不惡寒不氣少則為  
血虛不可用參附宜黃耆建中湯即小建中湯加

黃耆也方在傷寒門

當歸六黃湯

酸棗仁湯

盜汗心火下傷陰歸耆二地藥連苓心虛酸棗芍歸地  
知藥苓耆五味參

註  
當歸六黃湯治心火傷陰盜汗即當歸黃耆黃苓  
黃連黃藥生熟地黃也酸棗仁湯治心虛不固盜  
汗即酸棗仁當歸白芍生地知母黃藥茯苓黃耆

五味子人參也



失血總括

九竅出血名大衄鼻出血衄腦如泉耳目出血耳目衄  
膚出肌衄齒牙宣內衄嗽涎脾唾腎咯心欬肺嘔屬肝  
精竅溺血膀胱淋便血大腸吐胃間

註

九竅一齊出血名曰大衄鼻出血曰鼻衄鼻出血  
如泉曰腦衄耳出血曰耳衄目出血曰目衄皮膚  
出血曰肌衄齒牙出血曰齒衄又名牙宣此皆衄  
血隨所患處而命名也若從口出則為內衄內衄

出血涎嗽出於脾唾出於腎咯出於心欬出於肺  
嘔出於肝吐出於胃溺血從精竅而出淋血從膀胱  
而出嘔吐之分嘔則有上逆漉漉之聲吐則無  
聲也

失血死證

失血身涼脈小順大疾身熱卧難凶口鼻湧出而不止  
大下潰腐命多傾

註  
大疾脈大疾也卧難不能卧也大衄大下血出如

湧泉不止內潰腐屍之氣則命傾也

失血治法

陽乘陰熱血妄行血犯氣分不歸經血病及府滲入濁  
由來藏病溢出清熱傷失血宜清熱勞傷理損自然平  
努即內傷初破逐久與勞傷治法同

註凡失血之證陽盛乘陰則血為熱迫血不能安於  
脈中而妄行氣分不能回歸經脈也若血病傷及  
於府者則血滲入腸胃濁道上從咽出下從二便

而出也血病傷及於藏者則血溢出胸中清道上  
從喉出下從精竅而出也夫血藏於藏內行於脈  
中軀殼之中不可得而見也非有損傷不能為病  
而損傷之道有三一曰熱傷宜以清熱為主一曰  
勞傷宜以理損為主一曰努傷初宜以破逐為主  
久亦宜以理損為主也

犀角地黄湯

熱傷一切失血病犀角地黄芍牡丹胸膈滿痛加桃大

熱甚吐衄入芩連因怒嘔血柴梔炒唾血元參知藥煎  
咯加二冬嗽二母涎壅促嗽鬱金丸

註熱傷一切失血之病皆宜犀角地黄湯若胸膈滿  
痛是為瘀血加桃仁大黃若吐血熱盛加黃芩黃  
連因怒致吐血及嘔血者加柴胡炒梔唾血加元  
參黃藥知母咯血加天冬麥冬嗽血加知母貝母  
涎壅氣促陣陣急嗽帶出血者宜鬱金丸方在後  
加味救肺飲加鬱金湯

勞傷吐血救肺飲嗽血加調鬱金湯形衰無熱氣血弱人參養榮加麥良

註救肺飲即虛勞門之加味救肺飲加調鬱金末也若氣血虛弱不見火象宜用人參養榮湯加麥門冬也

芎歸湯

飽食用力或持重努破脈絡血歸芎嘔血漉漉聲上逆跌撲墮打有瘀行

註飽食用力或因持重努傷脈絡失血湧吐宜用芎  
歸飲引血歸經及嘔血跌撲墮打傷其脈絡令人  
大吐者亦皆宜之其有瘀血者或加大黃以下之  
或加桃仁紅花以破之或加鬱金黃酒以行之

參地煎

參地衄吐血不已熱隨血減氣隨亡氣虛人參為君主  
血熱為君生地黃

註參地煎即人參生地黃也凡因熱傷衄吐血不已

者則熱已隨血減然氣亦隨血亡也氣虛甚者當  
倍人參為君血熱者宜倍生地為君時時煎服自  
止也

瀉肺丸

嗽血壅逆虛蘇子積熱痰黃瀉肺丸  
葶仁半貝金萼杏  
三黃惟大有除添

註嗽血痰壅氣逆形氣虛者蘇子降氣湯降之方見  
諸氣門痰黃積熱形氣實者用瀉肺丸下之即枯



萸仁半夏浙貝母鬱金苦葶藶子杏仁黃連黃芩  
大黃也惟大黃形氣實者加之若形氣虛者或大  
便澹瀉則減去不用

保肺湯

保肺肺癰吐膿血白芨薏苡貝金陳苦梗苦葶甘草節  
初加防風潰者參

註保肺湯即白芨薏苡仁貝母金銀花陳皮苦桔梗  
苦葶藶甘草節也初起加防風潰後加生黃耆人

參

牛膝四物湯

尿血同出痛淋血尿血分出溺血名溺血精竅牛四物  
淋血八正地金通

註淋血溺血二證若尿與血同出而痛名曰淋血尿  
與血分出名曰溺血溺血為精竅之病用四物倍  
加牛膝淋血為尿竅之病用八正散加木通生地  
鬱金治之

珀珠散

溺血諸藥而不效塊血竅滯莖急疼珀珠六一硃砂共  
引煎一兩整木通

註 溺血一證乃精竅為病每因忍精不泄提氣採戰  
或因老年竭慾而成服諸藥不效者所溺之血成  
塊竅滯不利莖中急疼欲死者用珀珠散日三服  
每服三錢引用整木通去粗皮黃色者煎湯調服  
其方即琥珀末一錢珍珠末五分硃砂末五分飛

滑石六錢甘草末一錢合均分三服若其人大便  
結燥不通以八正散加牛膝鬱金下之有熱尿澀  
以導赤散加牛膝鬱金清之利後仍服此藥自有  
奇功

槐花散

便血內熱傷陰絡風合腸風濕藏瘍槐花側枳連炒穗  
風加秦防濕棟蒼

註便血二證腸風臟毒其本皆熱傷陰絡熱與風合

為腸風下血多清熱與濕合為臟毒下血多濁均  
宜槐花散即炒槐花炒側柏葉醋炒枳殼川黃連  
炒荊芥穗為末烏梅湯調服腸風加秦艽防風臟  
毒加炒苦楝炒蒼朮若大腫大痛大便不通當以  
臟毒未潰之瘍治之非臟毒下血之病也

升陽去濕和血湯

便血日久涼不應升補升者蒼桂秦歸芍丹陳二地草  
熱加萸連虛人參

註  
便血日久服涼藥不應宜升補用升陽去濕和血  
湯即升麻黃耆蒼朮肉桂秦艽當歸白芍丹皮陳  
皮生地熟地生甘草炙甘草也有熱稍加吳茱萸  
炒川連虛加人參可也

消渴總括

試觀年老多夜溺休信三消盡熱乾飲多尿少渾赤熱飲少尿多清白寒

註上消屬肺飲水多而小便如常中消屬胃飲水多而小便短赤下消屬腎飲水多而小便渾濁三消皆燥熱病也然試觀年老好飲茶者夜必多溺則休信三消皆熱而亦有寒者矣飲水多小便少而渾赤者屬熱是火盛耗水而渾也飲水少小便多

而清白者屬寒是火虛不能耗水也

消渴生死

三消便鞭若能食脈大實強尚可醫不食舌白傳腫瀉  
熱多舌紫發癰疽

註三消飲水多不能食若能食大便鞭脈大強實者  
為胃實熱下之尚可醫也若不能食濕多舌白滑  
者病久則傳變水腫泄瀉熱多舌紫乾者病久則  
發癰疽而死也



消渴治法

竹葉黃耆湯

便鞭能食鯀大強調胃金花斟酌當不食渴瀉白朮散  
竹葉黃耆不瀉方黃耆黃芩合四物竹葉石膏減鞭薑  
氣虛胃熱參白虎飲一洩二腎氣湯

註  
調胃謂調胃承氣湯金花謂梔子金花湯方俱在  
傷寒門酌其所當用可也不食而渴已屬胃虛兼  
之泄瀉胃虛無熱矣故用七味白朮散方在虛損

門若不食而渴亦不瀉者是雖虛而猶有燥熱也  
宜用竹葉黃耆湯即黃耆黃芩當歸川芎白芍生  
地竹葉石膏人參炙草麥冬半夏也若氣虛胃熱  
盛者宜用人參白虎湯若下焦虛寒飲一溲二者  
宜用腎氣湯

御纂醫宗金鑑卷四十

# 欽定四庫全書

子部

御纂醫宗金鑑卷四十一

詳校官太醫院院使<sub>臣</sub>張肇基

編修<sub>臣</sub>倉聖脈覆勘

總校官中書<sub>臣</sub>朱 鈐

校對官監丞<sub>臣</sub>張曾炳

謄錄監生<sub>臣</sub>顧廷瑜

欽定四庫全書

御纂醫宗金鑑卷四十一

編輯雜病心法要訣目錄

神病

癲狂癰

諸氣

遺精

赤白濁帶

痰飲

欬嗽

喘急哮喘

脹滿水腫

御纂醫宗金鑑卷四十一目錄

欽定四庫全書卷

御纂醫宗金鑑卷四十一

編輯雜病心法要訣

神之名義

形之精粹處名心中含良性本天真天真一氣精神祖  
體是精兮用是神

註  
動植之物一有其形則形之至精至粹之處卽名

曰心動物之心者形若垂蓮中含天之所賦虛靈

不昧之靈性也植物之心者卽中心之芽中含天之所賦生生不已之生意也此形若無此心則形無主宰而良性生意亦無著落矣此心若無良性生意則心無所施用不過是一團死肉一枯草木之芽耳蓋人雖動物之貴而其中含良性與一切動物皆同本乎天真也天真之氣分而言之爲精氣神故曰以精爲體以神爲用也合而言之渾然一氣故曰天真一氣精神之祖也

# 神之變化

神從精氣妙合有隨神往來魂陽靈並精出入陰靈魄意是心機動未形意之所專謂之志志之動變乃思名以思謀遠是爲慮用慮處物智因生

註  
魂陽之靈隨神往來魄陰之靈並精出入蓋神機不離乎精氣亦不離乎精氣故曰妙合而有也故指神而言則神超乎精氣之外指精氣而言則神寓乎精氣之中意者心神之機動而未形之謂也



志者意所專注也思者志之變動也慮者以思謀遠之謂也智者以慮處物之謂也此皆識神變化之用也

五藏神情

心藏神兮脾意智肺魄肝魂腎志精氣和志達生喜笑氣暴志憤恚怒生憂思繫心不解散悲哭哀苦悽然情內生懼恐求人伴外觸駭然響動驚

註五藏所藏七神心藏神脾藏意與智肺藏魄肝藏

魂腎藏精與志也五藏所生七情心生喜肝生怒  
脾生憂思肺生悲腎生恐也氣和則志達故生喜  
笑氣暴則志憤故生恚怒繫心不解散故生憂思  
悽心則哀苦故生悲哭內恐外觸非常事物故生  
恐懼驚駭也

神病治法

硃砂安神丸

內生不恐心跳悸悸更驚惕是怔忡善忘前言曰健忘

如昏似慧恍惚名失志傷神心膽弱痰飲九氣火相乘  
清熱硃連歸地草餘病他門治法精

註  
驚悸怔忡健忘恍惚失志傷神等病皆因心虛膽  
弱諸邪得以乘之也心氣熱者先用硃砂安神丸  
以清之其餘虛實諸邪則當與虛損九氣癰癰痰  
飲等門合證揀方自有效法之處

仁熟散

恐畏不能獨自臥膽虛氣怯用仁熟栢仁地枸味萸桂

參神菊殼酒調服

註  
恐畏不能獨自卧者皆因氣怯膽虛也仁熟散即  
栢子仁熟地黃枸杞子五味子山茱萸桂心人參  
茯神菊花枳殼為末老酒調服也



癲癇總括

經言癲狂本一病狂乃陽邪癲是陰癲疾始發意不樂甚則神癡語不倫狂怒兇狂多不卧目直罵詈不識親癲發吐涎昏噤倒抽搐省後若平人

註李時珍曰經有言癲狂疾者又言癲疾為狂者是癲狂為兼病也邪入於陽者狂邪入於陰者癲蓋癲疾始發志意不樂甚則精神呆癡言語不倫而睡如平時以邪併於陰也狂疾始發多怒不卧甚

則兇狂欲殺目直罵詈不識親疎而夜多不卧以邪併於陽也然俱不似癰疾發則吐涎神昏卒倒無知口噤牙緊抽搐時之多少不等而省後起居飲食皆若平人為別也癰雖分而為五曰雞馬牛羊豬名者以病狀偶類故也其實痰火氣驚四者而已所以為治同乎癰狂也

三聖散

青州白丸子

滾痰丸

遂心丹

礞礮丸

控涎丹

抱膽丸

鎮心丹

癲狂癇疾三聖吐風痰白丸熱滾痰痰實遂心氣礞礮  
痰驚須用控涎丹無痰抱膽鎮心治發灸百會自然安



初發皂角灌鼻內涎多欲止點湯鹽

註

癲狂癇疾初起多痰者先以三聖散吐之風盛有痰者用青州白丸子熱盛有痰者用礞石滾痰丸痰而形氣實者用遂心散痰而無氣鬱者用礞石滾痰丸痰而兼驚者用控涎丹無痰神輕因而驚悸者用鎮心丹抱膽丸癇病發時灸百會不拘壯數以甦為止再發再灸以愈為度初發用皂角汁灌鼻內其風涎即從鼻口中涕唾而出若甦後其涎不止以鹽湯服之自止

諸氣總括

寒氣 炁氣 喜氣 怒氣 勞氣 思氣 悲氣

恐氣 驚氣

一氣觸為九寒炁喜怒勞思悲恐驚寒收外束腠理閉  
炁泄內蒸腠理通喜則氣緩虛極散勞耗思結氣難行  
怒氣逆上甚嘔血下乘脾虛飡瀉成恐則氣下傷精志  
驚心無倚亂怔忡悲消榮衛不散布壯行弱著病叢  
生

註

一氣流行不為邪觸何病之有若為寒觸外束  
皮膚腠理閉其氣收矣即寒病也炁火也若為  
火觸熱蒸汗出腠理閉其氣泄矣即暑病也  
若為喜觸喜則氣和志達其氣緩矣素中  
虛極者緩則氣散即暴脫也若為勞觸勞則  
喘息且汗出其氣耗矣即勞倦也若為思  
觸心有所存氣留不行其氣結矣即鬱氣  
也若為怒觸怒則氣逆甚嘔血其氣上矣

上極而下乘脾之虛則為殄泄也若為恐觸恐則精却傷精志其氣下矣若為驚觸心無所依神無所歸慮無所定其氣亂矣怔忡心動不安之病也若為悲觸心肺氣戚榮衛不散其氣消矣凡此九氣叢生之病壯者得之氣行而愈弱者得之氣著為病也

諸氣辨證

短氣氣短不能續少氣氣少不足言氣痛走注內外痛

氣鬱失志怫情間上氣氣逆蘇子降下氣氣陷補中宣  
臭甚傷食腸胃鬱減食消導自然安

註

短氣者氣短而不能續息也少氣者氣少而不能  
稱形也皆為不足之證氣痛者氣為邪阻氣道不  
通或在經絡或在藏府攻衝走注疼痛也上氣乃  
濁氣上逆下氣為清氣下陷氣鬱者或得於名利  
失志或得於公私怫情二者之間也濁氣上逆蘇  
子降氣湯清氣下陷補中益氣湯甚者加訶子五

味子然清氣下陷下氣不甚臭穢惟傷食下氣其  
臭甚穢乃腸胃鬱結穀氣內發而不宣通於腸胃  
之外鬱在胃者上噫氣也鬱在腸者下失氣也補  
中益氣湯方見內傷門

諸氣治法

寒熱熱寒結者散上抑下舉驚者平喜以恐勝悲以喜  
勞溫短少補皆同

註  
寒者熱之麻黃理中是也熱者寒之白虎生脈是

也結者散之越鞠解鬱是也上者抑之蘇子降氣是也下者舉之補中益氣是也驚者平之鎮心妙香是也喜以恐勝悲以喜勝以情治情是也勞者溫之短氣少氣者補之保元四君是也

木香流氣飲

木香流氣調諸氣快利三焦榮衛行達表通裏開胸膈  
腫脹喘嗽氣為疼六君丁皮沉香木桂白芷香附果蘇青  
大黃枳朴檳蓬朮麥冬大腹木瓜通

註  
木香流氣飲調治一切諸氣為病其功能快利三

焦通行榮衛外達表氣內通裏氣中開胸膈之氣  
其水腫脹滿氣壅喘嗽氣痛走注內外疼痛並皆  
治之即人參白朮茯苓炙草橘皮半夏丁香沉香  
木香中桂白芷香附草果蘇葉青皮大黃枳殼厚  
朴檳榔蓬朮麥冬大腹皮木瓜木通也

分心氣飲

分心氣飲治七情氣滯胸腹不流行正減芷朴通木附



麥桂青桑櫝殼蓬

註

分心氣飲治七情氣滯胸腹之病正者謂藿香正氣散也正減者謂即藿香正氣散方減白芷厚朴加木通木香香附麥冬官桂青皮桑皮櫝榔枳殼蓬朮也

蘇子降氣湯

越鞠湯

蘇子降氣氣上攻下虛上盛氣痰壅喘咳涎嗽胸膈滿

氣秘氣逆嘔鮮紅橘半肉桂南蘇子前朴沉香甘草同  
鬱食氣血痰濕熱越鞠蒼梔麴附芎

註

蘇子降氣湯治下虛上盛氣壅上攻喘咳涎嗽胸  
膈滿悶氣秘便難氣逆嘔血即橘皮半夏肉桂南  
蘇子前胡厚朴沉香當歸甘草也越鞠湯治六鬱  
食鬱氣鬱血鬱痰鬱濕鬱熱鬱即蒼朮山梔神麴  
香附撫芎也夫氣鬱之病若久必與血痰濕熱飲  
食相合故治鬱之方可治氣鬱也其氣實者加木

香氣虛者加人參血實者加紅花血虛者加當歸  
痰多者加半夏濕多者加白朮熱多者加黃連飲  
多者加茯苓食多者加麥蘖在臨證者消息耳

四七湯

四七七氣鬱生痰梅核吐咯結喉間調和諸氣平和劑  
半夏厚朴紫蘇煎快氣橘草香附入婦人氣病效如僊  
惡阻更加芎歸芍氣痰濁帶送白丸

註

四七湯治七情過節七氣病生鬱結生痰如絮如

膜凝結喉間咯之不盡嚥之不下名曰梅核氣日久不愈變生噎膈上吐涎沫下秘二便也宜用此平和之劑即半夏茯苓厚朴紫蘇葉也胸腹中氣不快加橘皮甘草香附亦治婦人一切氣病婦人有孕喜吐者名曰惡阻更加川芎當歸白芍婦人肥白多痰氣鬱有白濁帶下者亦以本方送青州白丸子可也

鎮心丹

妙香散

驚實鎮心硃齒血驚虛妙香木麝香山藥茯神參耆草  
硃砂桔梗遠苓菖

註心氣實病驚者宜用鎮心丹即硃砂龍齒末等分  
豬心血為芡實大丸每服三九麥冬湯下心氣虛  
病驚者宜用妙香散加菖蒲即木香麝香山藥茯  
神人參黃耆炙草硃砂桔梗遠志茯苓石菖蒲也

遺精總括

不夢而遺心腎弱夢而後遺火之強過慾精滑清氣陷  
久曠溢瀉味醇傷

註  
不夢而遺謂無所感於心而自遺則爲心腎虛弱  
不固也夢而後遺謂有所感於心相火煽而強迫  
之則爲二火之強不固也或過慾之人日慣精滑  
或清氣不足下陷不固或久曠之人精盛溢瀉或  
醇酒厚味火強不固皆爲是病也

龍骨遠志丸

坎離既濟湯

封髓丹

心腎虛弱硃遠志龍骨神苓菖蒲參久曠火旺地知藥  
胃虛藥草縮砂仁

註龍骨遠志丸治心腎虛弱不夢而遺者即龍骨硃

砂遠志茯神茯苓石菖蒲人參也坎離既濟湯治  
夢而後遺火強久曠者即生地黃藥知母也若胃

虛食少便更則不宜生地知藥恐苦寒傷胃故宜  
封髓丹即黃蘗甘草縮砂仁也

補精丸

精出不止陽不痿強中過補過淫成久出血痛形羸死  
或發消渴或發癰陽盛坎離加龍骨實熱解毒大黃攻  
調補骨脂韭山藥磁石菴蓉參鹿茸

註精出不止陽強不倒名曰強中此病皆因過服房

術中補藥或貪淫過慾而成也若不急治日久精



盡陽強不化迫血而出疼痛不已形羸而死或不  
即死亦必發消渴大癰也陽盛陰虛者宜大劑坎  
離既濟湯加生龍骨清而補之形實熱盛者宜黃  
連解毒湯加大黃先攻其熱可也病後熱去調理  
宜補精丸即補骨脂韭子山藥磁石肉苁蓉人參  
鹿茸也

濁帶總括

濁病精竅溺自清穢物如膿陰內疼赤熱精竭不及化  
白寒濕熱敗精成

註

亦多屬熱亦有濁帶日久精竭陽虛不及化白而  
屬寒者白多屬寒亦有敗精濕熱釀成腐化變白  
而屬熱者是則不可槩以寒熱論赤白也

清心蓮子飲

萆薢分清飲

珍珠粉丸

濁熱清心蓮子飲寒草菖烏益草苓濕熱珍珠炒薑栢  
滑黛神麴椿蛤同

註

赤濁帶下屬熱者宜用清心蓮子飲方在淋門白  
濁帶下屬寒者宜用草薢分清飲即草薢菖蒲烏  
藥益智甘草茯苓也赤白濁帶下屬濕熱者宜用  
珍珠粉丸即炒黑薑炒黃栢滑石青黛炒神麴炒  
椿皮蛤粉也

黑錫丹

黑錫上盛下虛冷精竭陽虛火上攻上壅頭痛痰氣逆  
下漏濁帶白淫精骨脂茴香葫蘆巴肉菴桂附木金櫻  
沉香陽起巴戟肉硫鉛法結要研明

註 赤白濁帶下屬虛寒者及虛陽上攻頭痛喘嗽痰

壅氣逆俱宜黑錫丹即補骨脂小茴香葫蘆巴肉  
菴附子肉桂木香金櫻子沉香陽起石巴戟硫黃  
黑鉛也



痰飲總括

陰盛爲飲陽盛痰稠濁是熱沫清寒燥少粘連咯不易  
濕多易出風掉眩暈滿嘔吐爲伏飲支飲喘咳腫臥難  
飲流四肢身痛溢嗽引脇痛謂之懸痰飲素盛今暴瘦  
漉漉聲水走腸間飲留肺胸喘短渴在心下悸背心寒

註飲則清稀故爲陰盛痰則稠濁故爲陽盛稠濁是

熱痰屬心也沫清是寒痰屬腎也少而粘連咯不  
易出是燥痰屬肺也多而易出是濕痰屬脾也搐

搦眩暈是風痰屬肝也膈上痰滿嘔吐痰涎此飲  
留於膈間名曰伏飲也喘咳面腫不得臥此飲留  
於肺名曰支飲也飲流四肢身體重痛此飲留行  
於體名曰溢飲也咳嗽引脇疼痛此飲留於脇下  
名曰懸飲也素盛今瘦漉漉有聲水走腸間此飲  
留於腸胃名曰痰飲也凡飲留於胸肺則喘滿短  
氣而渴飲留於膈下則心下悸或背心寒冷也

二陳湯

燥痰湯

諸痰橘半茯苓草惟有燥者不相當風加南星白附子  
熱加苓連寒桂薑氣合四七鬱香附虛入參朮濕入蒼  
燥苓旋海天冬橘風消枳桔貝薑霜

註諸痰謂一切痰皆宜二陳湯治之即橘紅半夏茯  
苓甘草也因有苓半性過滲燥故與燥痰不相當  
也依本方風痰加南星白附子熱痰加黃芩黃連  
寒痰加乾薑肉桂氣痰加厚朴蘇葉即是合四七



湯也因鬱生痰加香附氣虛有痰加人參白朮即  
六君子湯也濕痰加蒼朮燥痰宜用燥痰湯即枯  
黃芩旋覆花海石天冬橘紅風化芒消枳殼桔梗  
貝母枯薑霜也

茯苓指迷丸

茯苓風消枳殼半痰飲平劑指迷丸寒實瓜蒂透羅治  
熱實大陷小胃丹

註 指迷丸治一切痰飲平和之劑即茯苓風化芒消

枳殼半夏也痰飲寒實者用瓜蒂散吐之或用透  
羅丹下之熱實者在膈上用大陷胸湯丸在三焦  
用小胃丹攻之

半夏茯苓湯加丁香湯

越婢加朮湯

流飲控涎苓桂治伏飲神佑半苓丁支飲葶藶懸十棗  
溢飲越朮小青龍

註 留飲者謂一切飲留於上下內外也實者用控涎

丹攻之虛者用苓桂朮甘湯溫之伏飲實者用神  
佑丸虛者用半夏三錢茯苓二錢丁香一錢生薑  
三錢煎服治之即半夏茯苓湯加丁香也支飲用  
葶藶大棗湯懸飲用十棗湯治之溢飲有熱者用  
越婢加朮湯即麻黃石膏甘草生薑大棗加蒼朮  
也有寒者用小青龍湯治之

欬嗽總括

有聲曰欬有痰嗽聲痰俱有欬嗽名雖云藏府皆欬嗽  
要在聚胃關肺中胃濁脾濕嗽痰本肺失清肅欬因生  
風寒火鬱燥痰飲積熱虛寒久勞成

註有聲無痰曰欬有痰無聲曰嗽有聲有痰曰欬嗽

內經雖云五藏六府皆令人欬而大要皆在聚於  
胃關於肺也因胃濁則所遊溢之精氣與脾濕所  
歸肺之津液皆不能清水精之濁難於四布此生

痰之本爲嗽之原也肺居胸中主氣清肅或爲風寒外感或爲痰熱內干清肅有失降下之令因氣上逆而咳嗽也久勞成謂久病欬嗽不已傷肺成勞也

參蘇飲

芎蘇飲

香蘇飲

茯苓補心湯

參蘇感冒邪傷肺熱寒欬嗽嚏痰涎氣虛用參實減去  
二陳枳桔葛蘇前頭痛加芎喘加杏苓因熱入麻乾寒  
虛勞胎產有是證補心四物量抽添

註 參蘇飲治感冒風寒傷肺欬嗽嚏唾痰涎發熱惡

寒也即人參蘇葉橘紅半夏茯苓甘草枳殼桔梗  
前胡葛根也形氣虛者必用人參若形氣實減去  
可也若頭痛依本方去人參以前胡易柴胡加川  
芎名芎蘇飲若喘嗽依本方去人參加杏仁名杏

蘇飲若內有熱加黃芩有寒加麻黃乾薑若虛勞之人及胎前產後而有是病依本方合四物湯名茯苓補心湯量其虛實寒熱加減可也

瀉心散

葶藶瀉白散

瀉白肺火鬱氣分喘欬面腫熱無痰桑骨甘草寒麻杏仁分加芩熱甚連欬急嘔逆青橘半鬱甚失音訶桔添停飲喘嗽不得臥加苦葶藶效通仙

註

瀉白散即桑皮地骨皮甘草也治喘嗽面腫無痰  
身熱是爲肺經火鬱氣分若無汗是爲外寒鬱遏  
肺火加麻黃杏仁以發之若無外證惟面赤是爲  
肺經火鬱血分加黃芩內熱甚者更加黃連以清  
之欬急嘔逆者加青皮橘紅半夏以降之火鬱甚  
而失音者加訶子肉桔梗以開之若喘嗽面浮不  
得臥者是爲兼有停飲加苦葶藶以瀉之名葶藶  
瀉白散



清肺湯

清肺肺燥熱欬嗽二冬母草橘芩桑痰加萁半喘加杏  
快氣枳桔斂味良

註清肺湯即麥冬天冬知母貝母甘草橘紅黃芩桑  
皮也有痰燥而難出加桔萁子痰多加半夏喘加  
杏仁胸膈氣不快加枳殼桔梗久則宜斂加五味  
子

清燥救肺湯

喻氏清燥救肺湯肺氣虛燥鬱效方參草麥膏生氣液  
杏杷降逆效功長胡麻桑葉阿潤燥血枯須加生地黃  
熱甚牛黃羚羊犀角痰多貝母與萋霜

註喻氏喻嘉言也杷杷杷葉也羚羊犀角也  
萋霜枯萋霜也

### 透羅丹

### 瀉肺丸

寒實痰清透羅丹效時涎壅氣出難已杏大牽皂半餅

熱實痰稠瀉肺丸

註

寒實痰盛涎清熱實痰盛稠粘皆能令人欬嗽  
時痰涎頓壅氣閉難出寒實者用透羅丹即巴豆  
杏仁大黃牽牛皂角半夏共爲末蒸餅爲小丸量  
服方出丹溪心法附餘熱實者宜瀉肺丸方見失  
血門

人參瀉肺湯

積熱傷肺宜瀉肺喘嗽痰多粘色黃胸膈滿熱大便澀

涼膈枳桔杏參桑

註 人參瀉肺湯即涼膈散  
梔子連翹薄荷黃芩大黃  
甘草枳殼桔梗杏仁人參桑皮也

鍾乳補肺湯

補肺虛寒喘嗽血皮毛焦枯有多年生  
衄菀欬桑皮桂  
鍾英糯米棗薑煎

註 補肺湯即人參麥冬五味子欬冬花紫菀桑皮桂  
枝鍾乳石白石英糯米大棗生薑也

人參養肺湯

養肺平劑肺氣虛勞久喘嗽血腥宜參草杏阿知母棗  
烏梅罌粟骨桑皮

註人參養肺湯爲治肺氣虛損久勞不寒不熱之平  
劑也其方即人參炙草杏仁阿膠知母大棗烏梅  
罌粟殼地骨皮桑皮也

清寧膏

太平丸

欬嗽痰血清寧治甘桔麥地橘龍圓薏米川貝薄荷末  
血過於痰太平丸

註 欬嗽痰少血多用太平丸方諸書俱有

瓊玉膏

杏酥膏

瓊玉膏治肺虛勞肺痿乾嗽欬涎滔生地膏蜜參苓末  
不虛燥蜜杏酥膏

註 瓊玉膏治虛燥先以生地煎膏後入煉白蜜人參

茯苓末攪成膏杏酥膏治不虛而燥以杏仁霜嫻  
酥油煉白蜜溶化合膏

喘吼總括

喘則呼吸氣急促哮則喉中有響聲實熱氣粗胸滿鞭  
虛寒氣乏飲痰清

註 呼吸氣出急促者謂之喘急若更喉中有聲響者  
謂之哮吼氣粗胸滿不能布息而喘者實邪也而  
更痰稠便鞭者熱邪也氣乏息微不能續息而喘  
者虛邪也若更痰飲清冷寒邪也

喘急死證



喘汗潤髮爲肺絕  
衄瀉肢寒命不昌  
喘咳吐血不得臥  
形衰衄大氣多亡

註  
氣多謂出氣多入氣少也

華蓋湯

千金定喘湯

葶藶大棗湯

外寒喘吼華蓋湯  
麻杏蘇草橘苓桑  
減苓加苓款半巢  
飲喘難臥棗葶方

註外寒傷肺喘急用華蓋散即麻黃杏仁蘇子甘草  
橘紅赤茯苓桑皮也依本方減茯苓加黃芩款冬  
花半夏白菓名千金定喘湯治哮喘表寒之喘葶  
藶大棗湯治停飲不得臥之喘也

羅皂丸

蘇子降氣湯

火鬱喘急瀉白散痰盛作喘羅皂丸葶仁海石星羅皂  
氣喘蘇子降氣痊

註  
面赤浮腫謂之火鬱之喘宜瀉白散痰盛聲急謂  
之痰喘宜蘿皂丸無痰聲急謂之氣喘宜蘇子降  
氣湯方在諸氣門

五味子湯

黑錫丹

腎氣湯

人參理肺湯

氣虛味麥參陳杏虛寒黑錫腎氣湯日久斂喘參桔味

麻杏罌粟歸木香

註

五味子湯即五味子麥冬人參陳皮杏仁也人參  
理肺湯即人參桔梗五味子麻黃杏仁罌粟殼當  
歸木香也黑錫丹方在濁帶門腎氣湯方在虛勞  
門

--	--	--	--	--	--	--

腫脹總括

衛氣並脈循分肉內傷外感正邪攻外邪客脈爲脈脹  
邪留分肉膚脹生

註經曰衛氣之在身也常然並脈循分肉行陰陽相  
隨何病之有若其人內傷七情外感六氣飲食失  
節勞役過度則邪正相攻榮衛失和衛氣與風寒  
之邪客於脈中則爲脈脹衛氣與風寒之邪留於  
分肉則爲膚脹也

諸脈脹單腹脹膚脹鼓脹

脈脹筋起絡色變久成單腹末脫清膚脹整整初不鞭  
纏綿氣鼓脹膨膨

註脈脹之證腹筋起絡色變久而不已則成單腹脹  
四末脫瘦清冷也膚脹之證整整然初不堅鞭纏  
綿不愈則成氣鼓脹滿膨膨急鞭也

腸覃石瘕

外邪干衛客腸外腸覃月事以時行外邪干榮客胞內

石瘕經閉狀妊盈

註風寒之邪不客於脈中分肉而干衛氣深入客於腸外僻而內著日以益大狀如懷子月事仍以時行名曰腸覃或干榮氣深入客於胞中惡血留止日以益大狀如懷子月事不以時下名曰石瘕此皆生於女子在男子則爲疝病也

水脹石水風水

皮厚色蒼多是氣皮薄色澤水濕成氣速安臥從上下



水漸難眠咳喘徵石水少腹腫不喘風水面腫脛足同石水陰邪寒水結風水陽邪熱濕凝

註凡腫脹之病皮厚色蒼者皆屬氣也皮薄色澤者皆屬水也氣陽也陽性急故爲脹速每從上腫而漸下得以安臥邪在外也水陰也陰性遲故爲脹漸每從下腫而漸上更有咳喘不得臥之徵也石水之證少腹腫滿水在下故不喘也上腫曰風下腫曰水故風水之證面與脛足同腫也然石水屬

陰邪故曰寒結也風水屬陽邪故曰熱濕凝也

脹滿水腫死證

腹脹身熱及失血四末清脫瀉數行腫起四肢後入腹  
利旋滿腫腹筋青唇黑臍突陰囊腐缺盆脊背足心平  
脈大時絕或虛滿腫脹逢之却可驚

註腹脹身熱陽盛脹也若吐衄瀉血則陰亡矣四肢  
瘦冷陰盛脹也若數瀉不止則中脫矣先腫脹腹  
後散四肢者可治先腫四肢後歸入腹者不治腫

脹之病多實服利下之藥旋消旋起則爲正不勝邪亦不治腹筋青漲高起脹腫蒼黑臍腫突出陰囊腫腐缺盆脊背腫平足心腫平則五藏傷皆不治也衄大而時絕或虛瀉細則氣血敗皆死衄也木香流氣飲

膚脹衄脹通身脹單腹鼓脹四肢平膚脹木香流氣飲  
衄脹加薑黃撫芎

註  
膚脹皮膚脹也衄脹經衄脹也此二脹皆通身脹

也單腹脹四肢不脹鼓脹其脹如鼓此二脹皆腹  
脹四肢不脹也膚脹宜用木香流氣飲鯀脹亦用  
此湯更加薑黃撫芎也方在諸氣門

厚朴散

下瘀血湯

單腹鼓脹分氣血氣實腸覃厚朴榔木枳青陳遂大戟  
血實石瘕下瘀湯

註單腹脹鼓脹當分氣血而治腸覃亦氣病也故同

氣實脹者一治之皆用厚朴散即厚朴檳榔木香  
枳殼青皮陳皮甘遂大戟石瘕亦血病也故同血  
實脹者一治之宜用下瘀血湯即大黃桃仁蟅蟲  
甘遂也

寒脹中滿分消湯

熱脹中滿分消湯

氣虛脹病分寒熱中滿分消有二方寒脹參芪歸苓朴  
半夏吳萸連二薑升柴烏麻青礬澤葦澄草寇益木香

熱縮六君知豬澤枳朴苓連乾薑黃

註  
脹有虛實寒熱若脹而形氣虛少寒者宜用寒脹  
中滿分消湯即人參黃芪當歸茯苓厚朴半夏吳  
萸黃連乾薑生薑升麻柴胡川烏麻黃青皮黃蘗  
澤瀉葶藶草豆蔻益智木香也脹而形氣虛少  
熱者宜用熱脹中滿分消湯即縮砂人參白朮茯  
苓炙草廣皮半夏知母豬苓澤瀉枳殼厚朴黃芩  
黃連乾薑薑黃也

水腫治法

上腫多風宜乎汗下腫多濕利水泉汗宜越婢加蒼朮  
利用貼臍琥珀丹外散內利疏鑿飲喘不得臥蘇葶先  
陽水熱瀼濕神祐陰水實脾腎氣丸

註

從上腫者多外感風邪故宜乎汗從下腫者多內  
生濕邪故宜乎利水外散風水宜用越婢湯加蒼  
朮即麻黃石膏甘草蒼朮也內利水濕宜用貼臍  
等法一以已豆去油四錢水銀粉二錢硫黃一錢

研勻成餅先用新綿一片布臍上內餅外用帛縛  
時許自然瀉下惡水待下三五次去藥以粥補住  
日久形羸隔一日取一次一餅可救三五人一以  
鮮赤商陸根杵爛貼臍上以帛縛定水自小便出  
一以田螺四個大蒜五個車前子末三錢研成餅  
貼臍中以帕縛之少時尿利即愈或內服沉香琥  
珀丸即苦苧薤子真郁李仁防已沉香陳皮琥珀  
杏仁蘇子赤茯苓澤瀉瀉麝香也若通身腫則當外



散內利宜用疏鑿飲子兩解之若水盛上攻喘急  
不得臥則當先用蘇子亭蔴丸以定喘即此二味  
等分爲末棗肉丸陽水屬熱實者熱盛宜用大聖  
瀉川散濕盛宜用舟車神祐丸以下之二方在醫  
宗必讀陰水屬寒虛者脾虛不食便軟宜用實脾  
飲腎虛脛足冷硬宜用腎氣丸

疏鑿飲子

茯苓導水湯

水腫兩解疏鑿飲和劑茯苓導水湯疏鑿椒目赤小豆  
檳榔商陸木通羌秦茺大腹苓皮澤茯苓導水澤苓桑  
木香木瓜砂陳朮蘇葉大腹麥檳榔

註水腫外散內利兩解峻者疏鑿飲即椒目赤小豆  
檳榔商陸木通羌活秦茺大腹皮茯苓皮澤瀉也  
外散內利兩解和者茯苓導水湯即澤瀉茯苓桑  
皮木香木瓜砂仁陳皮白朮蘇葉大腹皮麥冬檳  
榔也


實脾飲

裏實自然尋濬祐裏虛實脾四君香木瓜附子大腹子  
厚朴草果炒乾薑投諸溫補俱無驗欲諸攻下又難當  
須行九補一攻法緩求淡食命多昌

註裏實二便澁者宜用濬川散神祐丸裏虛二便通

者宜用實脾飲即人參白朮茯苓炙甘草香木瓜  
川附子大腹子厚朴草果炒乾薑也腫脹之病屬  
虛寒者自宜投諸溫補之藥而用之俱無効驗者

虛中必有實邪也欲投諸攻下之藥而又難堪然  
不攻之終無法也須行九補一攻之法是用補養  
之藥九日俟其有可攻之機而一日用瀉下之藥  
攻之然攻藥亦須初起少少與之不勝病漸加之  
必審其藥與元氣相當逐邪而不傷正始爲法也  
其後或補七日攻一日補五日攻一日補三日攻  
一日緩緩求之以愈爲度若能戒鹽醬淡食百日  
多有生者



御纂醫宗金鑑卷四十一